

বিশ্ববিদ্যালয়গুলোতে ছাত্র ভর্তি কোটা বন্ধ করা কেন প্রয়োজন

বিশ্ববিদ্যালয়গুলোতে ছাত্র ভর্তির ব্যাপারে এক ধরনের 'কোটা' পদ্ধতি বেশ কিছুদিন ধরে চালু রয়েছে। এই কোটা পদ্ধতির সুবিধা পান বিশ্ববিদ্যালয়ের শিক্ষক, অফিসার আর কর্মচারীরা। শিক্ষক, অফিসার আর কর্মচারীদের সন্তানরা ও রক্তের সম্পর্কে আত্মীয় অথবা ভাই-বোনেরা বিশেষ সুবিধায় ভর্তি হতে পারেন। তবে ভর্তি ইচ্ছুকদের সবাইকে ভর্তি পরীক্ষায় অংশ নিতে হয় এবং একটি নির্দিষ্ট সময়ের মধ্যে ভর্তি হতে হয়। এই ভর্তি কোটা নিয়ে পক্ষে-বিপক্ষে যুক্তি রয়েছে। কিন্তু তা সত্ত্বেও বিশ্ববিদ্যালয় কর্তৃপক্ষ এই ভর্তি কোটা বন্ধের কোন উদ্যোগ নেয়নি। সাম্প্রতিক সময়ে এমন কিছু ঘটনা ঘটেছে যে, এই ভর্তি কোটা নিয়ে ভাবনার সময় এসেছে। এতদিন যে সুযোগ শিক্ষক তথা কর্মচারীরা ভোগ করতেন, এখন ছাত্র নামধারী ক্যাডাররা এই সুবিধা দাবী করছে। এ নিয়ে সম্প্রতি লংকাকান্ড ঘটে গেছে জগন্নাথ বিশ্ববিদ্যালয় কলেজে। সেখানে দু'টি বড়

দলের ছাত্র ক্যাডাররা ছাত্র সংগঠনগুলোর জন্য ভর্তি কোটা দাবী করেছে। এতদিন অনেকটা রেখে-ঢেকেই এদের দাবী পূরণ করা হতো এখন এরা প্রকাশ্যেই ভর্তি কোটা দাবী করেছে। কলেজ অধ্যক্ষ তাদের দাবী মেনে নিতে তার অপারগতার কথা জানালে ছাত্র নামধারী ক্যাডাররা কলেজ অধ্যক্ষকে লালিত করে, কলেজ অধ্যক্ষ নিরাপত্তাহীনতায় ভুগছেন— এমন খবরও সংবাদপত্রে ছাপা হয়েছে।

জগন্নাথ কলেজের অধ্যক্ষ যে সিদ্ধান্ত নিয়েছেন— সেই সিদ্ধান্তকে আমি স্বাগত জানাই। উচ্চ শিক্ষা প্রতিষ্ঠানে ছাত্র ভর্তির ক্ষেত্রে কোটা পদ্ধতি থাকতে পারে না। কোটা পদ্ধতি বিশ্ববিদ্যালয় পর্যায়ের শিক্ষা ব্যবস্থাকে ধ্বংস করে দিচ্ছে। ইতোমধ্যে উচ্চ পর্যায়ের শিক্ষা ব্যবস্থাকে আমরা রীতিমত প্রশ্নের মুখে দাঁড় করিয়ে দিয়েছি। যত্রতত্র রাজনৈতিক বিবেচনায় কলেজগুলোকে সরকারীকরণ করা হচ্ছে। তারপর সেখানে অনার্স কোর্স, এমনকি মাস্টার্স কোর্স চালু করা হচ্ছে। জাতীয় বিশ্ববিদ্যালয় কর্তৃপক্ষ ওইসব কলেজের অনার্স কোর্স ও মাস্টার্স কোর্সকে অনুমোদন করছেন। অথবা বলা যেতে পারে অনুমোদন করতে বাধ্য হচ্ছেন। ব্যাপারটা এমন দাঁড়িয়েছে যে, অনার্স কোর্স চালু করতে পারলেই একটি বড় ধরনের পাওয়া হয়ে গেল। স্থানীয় রাজনৈতিক নেতৃত্ব এটা নিয়ে বাহবা নেন। শিক্ষামন্ত্রীর কাছে দেন-দরবার করেন। একসময় প্রভাব খাটিয়ে তিনি তা অনুমোদনও করিয়ে আনেন। তার টার্গেট থাকে পরবর্তী নির্বাচন। তিনি মনে করেন তার এলাকায় অবস্থিত বেসরকারী কলেজটিকে সরকারীকরণ করতে পারলে কিংবা কলেজটিতে অনার্স কোর্স চালু করতে পারলেই পরবর্তী নির্বাচনে তিনি পার পেয়ে যাবেন। অথচ একবারও তিনি চিন্তা করেন না কলেজে অনার্স কোর্স চালু করলেই গ্রামের সবাইর উচ্চশিক্ষায় শিক্ষিত করা যাবে না। অনার্স কোর্স পড়ানোর মত কলেজে যথেষ্ট ও যোগ্য শিক্ষক রয়েছে কিনা, তা বিবেচনায় আনা প্রয়োজন। যে কারণে দেখা যায় গ্রামের কলেজে অনার্স কোর্স চালু হয়েছে কিন্তু শিক্ষক নেই। ছাত্র-ছাত্রীরা নোট নির্ভর হয়ে পড়ছে। অধিকাংশ বিশ্ববিদ্যালয়— কলেজগুলোর এ চিত্র আজ চোখে পড়ে। প্রসঙ্গত কারণেই উচ্চশিক্ষায় ধস নামছে। এই যখন পরিস্থিতি তখন ছাত্র নামধারী ক্যাডাররা ভর্তির ক্ষেত্রে 'কোটা' দাবী করছে। এই 'কোটা' আবার বিক্রি করা হয়। হাজার হাজার টাকায় বিক্রি করা হয় এক-একটি 'সিট'। ছাত্র-ছাত্রীরা বিশ্ববিদ্যালয়গুলোতে ভর্তি হতে না পেলে ভিড় জমায় এইসব বিশ্ববিদ্যালয় কলেজগুলোতে। আর এখানে চলে আসে টাকার খেলা। এই টাকার ভাগ পায় মাত্র কয়েকজন ক্যাডার, যারা ছাত্র রাজনীতিকে নিয়ন্ত্রণ করে। সংবাদপত্রের কর্মীরা আমাদের জানিয়েছেন, সারাদেশে জুড়ে ছাত্রলীগ আর ছাত্রদলের মধ্যে বৈরিতা থাকলেও, জগন্নাথ কলেজে এদের মাঝে রয়েছে অদ্ভুত এক সহাবস্থান। এরা কেউ কারো স্বার্থে আঘাত করে না। তাদের উভয়ের স্বার্থই এক ও অভিন্ন— অর্থাৎ ভর্তি 'কোটা' নিশ্চিত করা এবং তা বিক্রি করে অবৈধ পথে লক্ষ লক্ষ টাকা কামাই করা। সংবাদপত্রে আরো খবর বেরিয়েছে ক্যাডাররা একটি নয়, দু'টিও নয়, তারা দাবী করছে শত সিট। এক-একটি সিট বিক্রি হচ্ছে পনের হাজার থেকে বিশ হাজার টাকায়। মাননীয় শিক্ষামন্ত্রী এই সংবাদটি দেখেছেন কিনা জানি না। দেখে থাকলে আদৌ কোন সিদ্ধান্ত নিয়েছেন কিনা, তাও আমার জানা নেই। 'কিন্তু আমি যা বুঝি', বিশ্ববিদ্যালয়ের একজন শিক্ষক হিসেবে আমার কাছে যা গুরুত্বপূর্ণ তা হচ্ছে এভাবে কোন শিক্ষা প্রতিষ্ঠান চলতে পারে না। আমি ঠিক জানি না জগন্নাথ বিশ্ববিদ্যালয় কলেজের অধ্যক্ষ 'চাপ'-এর কাছে শেষ পর্যন্ত মাথা নত করেছেন কিনা। যদি তিনি তা করে থাকেন, তাহলে তিনি মস্ত বড় একটি ভুল করলেন। এই 'ভুল'-এর মাঙ্গল আজ সমগ্র জাতিকে বহন করতে হবে। ছাত্র নামধারী ক্যাডাররা আজ রাজনৈতিক দলগুলোকে তাদের স্বার্থে ব্যবহার করছে। ক্যাডারদের কোন রাজনীতি নেই। এরা সুবিধাভোগী। রাজনৈতিক পট পরিবর্তনের সাথে সাথে এরা দল বদলায়। নিজ স্বার্থ ছাড়া এরা অন্যকিছু বোঝে না। রাজনৈতিক দলগুলো, বিশেষ করে দু'টি বড় দল এদেরকে ক্যাডার করে, এদের শেল্টার দেয়, গ্রেকতার হলে এদের মুক্তি দাবী করে— আমার দুঃখ এখানেই।

জগন্নাথ কলেজের এই ক্যাডার দৌরাখ্য আজকের নয়। সুতরাং এই অবৈধ ছাত্র ভর্তি যতদিন বন্ধ করা না যাবে, ততদিন এই ক্যাডারদের দৌরাখ্য বন্ধ করা যাবে না। ক্যাডাররা এতদিন গোপনে গোপনে অবৈধ ভর্তির কাজটি সম্পন্ন করতো। অতীতে যারা জগন্নাথ কলেজে অধ্যক্ষের দায়িত্ব পালন করেছেন তারা সবাই মূলতঃ ক্যাডারদের হাতে রেখেই তাদের দায়িত্ব পালন করে গেছেন। এখন ক্যাডাররা আর গোপন সমঝোতায় যেতে রাজী নয়। তারা প্রকাশ্যেই তাদের জন্য 'কোটা' দাবী করেছেন। জগন্নাথ কলেজের ক্যাডারদের এই ছাত্র ভর্তির দাবীর রেশ ফুরিয়ে যাবার আগেই সংবাদপত্রে প্রকাশিত হয়েছে এ ধরনের আরেকটি খবর। খবরটি এসেছে রাজশাহী থেকে। রাজশাহী সরকারী কলেজের প্রথম বর্ষ সম্মান শ্রেণীতে ভর্তি কোটার দাবীতে একটি ছাত্র সংগঠনের কর্মীরা ভর্তি প্রক্রিয়া বন্ধ করে দিয়েছে। শুধু তাই নয়। তারা শিক্ষকদেরকে ঘাড়

ধরে কলেজ থেকে বের করে দেয় ও পরবর্তীতে তাদের ভর্তির কোটা না দেয়া পর্যন্ত তাদেরকে কলেজে প্রবেশ করতে দেয়া হবে না বলেও হুমকি দেয়। ছাত্র ভর্তির ব্যাপারে ক্যাডারদের এই দৌরাখ্য আজ শুধুমাত্র জগন্নাথ কিংবা রাজশাহী কলেজের মধ্যেই সীমাবদ্ধ নেই। আমার ধারণা এ ধরনের ঘটনা অন্যান্য বিশ্ববিদ্যালয় কলেজগুলোতেও ঘটছে, যার সংবাদ পত্র-পত্রিকায় খুব একটা প্রকাশিত হচ্ছে না। এই ধারা যদি চলতে থাকে ও এ ব্যাপারে যদি কোন পদক্ষেপ গ্রহণ করা না হয়, তাহলে তা দেশের বিশ্ববিদ্যালয়গুলোতেও ছড়িয়ে পড়বে। বিশ্ববিদ্যালয়ের উপাচার্যরা চান আর না চান বিশ্ববিদ্যালয়ের আবাসিক হলগুলো বরাবরই নিয়ন্ত্রণ করে ছাত্র নামধারী মাস্তানরা।

ডঃ তারেক শামসুর রেহমান

বিশ্ববিদ্যালয়গুলো নাম দেখানো এবং অনেকটা পত্র-পত্রিকায় ছবি তোলার জন্য হলগুলোতে তল্লাশি অভিযান চালায়। কিন্তু অবৈধ মাস্তানরা সেখানে দিবি থাকে, রুম দখল করে সতীর্থ মাস্তানদের নিয়ে বসবাস করে— হল কর্তৃপক্ষ কিংবা পুলিশ এদের আদৌ খুঁজে পায় না। আমার ভয় এই মাস্তানরা এখন ছাত্র ভর্তি কোটা দাবী করে বসবে। বিশ্ববিদ্যালয়ের ভর্তিতে নানারকম অনিয়ম হয়। ছাত্র নামধারী মাস্তানরা যে তাদের প্রভাব খাটিয়ে ছাত্র ভর্তি করায় না, তা নয়। কিন্তু তা অনেকটা রেখে-ঢেকেই। জগন্নাথ কলেজের ক্যাডারদের মত ঢাকা বিশ্ববিদ্যালয়ের ক্যাডাররা যদি ছাত্র ভর্তি কোটা দাবী করে বসে, তখন ১ সুতরাং সময় থাকতেই সতর্ক হওয়া প্রয়োজন। এ দেশের ছাত্র রাজনীতির ঐতিহ্য রয়েছে। এ দেশের প্রতিটি আন্দোলনের সাথে ছাত্ররা জড়িত। ক্যাডারদের জন্য ছাত্র রাজনীতি আজ ধ্বংস হতে বসেছে। সাধারণ মানুষের কাছে ছাত্র রাজনীতির প্রতি আর শ্রদ্ধাবোধ নেই। ছাত্র রাজনীতি আজ কলংকিত। বর্তমান ছাত্র রাজনীতি নিয়ে তাই প্রশ্ন রেখেছেন স্বয়ং রাষ্ট্রপতি। ছাত্র নেতৃবৃন্দ বিষয়টা গুরুত্বের সাথে ভাবেন না আমার দুঃখ এখানেই।

আজ ছাত্ররা যে ভর্তি কোটা দাবী করছে, সেটি যেমন সমর্থনযোগ্য নয়, ঠিক তেমনি বিশ্ববিদ্যালয়ে ভর্তির ব্যাপারে আদৌ 'কোটা' সিস্টেম থাকবে, সেটিও সমর্থনযোগ্য নয়। একজন শিক্ষক বিশ্ববিদ্যালয়ে ছাত্র পড়িয়ে অনেক ত্যাগ স্বীকার করেন সন্দেহ নেই। এ জন্য জাতি তাদের কাছে কৃতজ্ঞ। কিন্তু তার অর্থ এই নয় যে, তার সন্তানেরা বিশ্ববিদ্যালয়ে অবলিলায় ভর্তি হয়ে যাবে কোন রকম যোগ্যতা ছাড়াই। এ কথা বিশ্ববিদ্যালয়ের অফিসার ও কর্মচারীদের ক্ষেত্রে প্রযোজ্য। বর্তমান সরকার বিশ্ববিদ্যালয়গুলোতে 'মুক্তিযোদ্ধা সন্তান কোটা' প্রবর্তন করেছেন। এই 'মুক্তিযোদ্ধা সন্তান কোটা' নিয়ে যে অনিয়ম হচ্ছে, সরকার কি তার খোঁজ-খবর রাখেন? এই কোটায় অবৈধভাবে ভর্তি হচ্ছে। একটি সাধারণ সার্টিফিকেট দিয়ে রাজনৈতিক প্রভাবে অনেকে ভর্তি হচ্ছেন— যারা আদৌ মুক্তিযোদ্ধার সন্তান নন। মুক্তিযোদ্ধাদের ত্যাগ জাতি চিরদিন স্মরণ করবে। এদেরকে অন্যভাবে পুরস্কৃত করা যায়। সরকার স্থায়ী ভাভার ব্যবস্থা করতে পারেন। মুক্তিযোদ্ধা সন্তানদের চাকুরীর ব্যবস্থা করতে পারেন। কিন্তু বিশ্ববিদ্যালয়ে ভর্তির ব্যাপারে কোটা নির্ধারণ কাজে দেওয়া ঠিক নয়। উপজাতীয়দের জন্যও 'কোটা' রয়েছে। এই 'কোটা'র সুযোগ নিচ্ছে একটি বিশেষ শ্রেণী-চাকমারা। চাকমাদের শিক্ষার হার শতকরা প্রায় ৮০ ভাগ। সুবিধানে

বিশ্ববিদ্যালয়ের উপাচার্যরা চান আর না চান বিশ্ববিদ্যালয়ের আবাসিক হলগুলো বরাবরই নিয়ন্ত্রণ করে ছাত্র নামধারী মাস্তানরা। বিশ্ববিদ্যালয়গুলো নাম দেখানো এবং অনেকটা পত্র-পত্রিকায় ছবি তোলার জন্য হলগুলোতে তল্লাশি অভিযান চালায়। কিন্তু অবৈধ মাস্তানরা সেখানে দিবি থাকে, রুম দখল করে সতীর্থ মাস্তানদের নিয়ে বসবাস করে— হল কর্তৃপক্ষ কিংবা পুলিশ এদের আদৌ খুঁজে পায় না। আমার ভয় এই মাস্তানরা এখন ছাত্র ভর্তি কোটা দাবী করে বসবে। বিশ্ববিদ্যালয়ের ভর্তিতে নানারকম অনিয়ম হয়। ছাত্র নামধারী মাস্তানরা যে তাদের প্রভাব খাটিয়ে ছাত্র ভর্তি করায় না, তা নয়। কিন্তু তা অনেকটা রেখে-ঢেকেই। জগন্নাথ কলেজের ক্যাডারদের মত ঢাকা বিশ্ববিদ্যালয়ের ক্যাডাররা যদি ছাত্র ভর্তি কোটা দাবী করে বসে, তখন ১ সুতরাং সময় থাকতেই সতর্ক হওয়া প্রয়োজন।

অন্যসর শ্রেণীর জন্য বিশেষ সুযোগ-সুবিধার কথা বলা হয়েছে। কিন্তু চাকমারা অন্যসর শ্রেণী নয়। সত্যিকার অন্যসর শ্রেণী হচ্ছে মুরং, বোম, চাক, স্রো, খুমী কিংবা গিয়াং ও পাংখোরা। এদের মাঝে শতকরা প্রায় ৫ ভাগ লোকও শিক্ষিত নয়। ওদের মধ্য থেকে আদৌ কোন গ্রাছুয়েট আছে কিনা সন্দেহ। এদের শিক্ষিত করে গড়ে তোলা দরকার।

উপরন্তু শান্তিচুক্তি স্বাক্ষরিত হয়েছে। আঞ্চলিক পরিষদ গঠিত হয়েছে। এখানে এদেরকে মূল ধারায় ফিরিয়ে আনতে হলে চাকমা বাদে অন্য উপজাতীয়দের শিক্ষিত করে তুলতে হবে। সেজন্য রাসামাটিতে একটি বিশ্ববিদ্যালয় করা যেতে পারে। সেইসাথে খাগড়াছড়ি কিংবা বান্দরবানে একটি টেকনিক্যাল

স্কুল প্রতিষ্ঠা করা যেতে পারে। অন্যসর শ্রেণীর নাম করে শুধুমাত্র চাকমারাই বিশ্ববিদ্যালয়, মেডিক্যাল ও বুয়েটে সুযোগ নেবে— এটা সমর্থনযোগ্য নয়। এর ফলে বিভিন্ন উপজাতীয়তে বিভক্ত পাহাড়ী জনগোষ্ঠীর মাঝে এক ধরনের ভারসাম্যের সৃষ্টি হতে পারে। 'এই ভারসাম্য' পাহাড়ী জনগোষ্ঠীর উন্নয়নের পথে অন্তরায়।

পৃথিবীর কোন উন্নত-দেশে বিশ্ববিদ্যালয়গুলোতে ভর্তির ব্যাপারে কোন 'কোটা' সিস্টেম নেই। এমনকি ভারতেও এ ধরনের 'কোটা' সিস্টেম আছে কিনা সন্দেহ। এই 'কোটা' সিস্টেমে মেধার অবমূল্যায়ন হচ্ছে। যারা যোগ্য নয়, তারা 'কোটার' ভর্তি হচ্ছে। পাশাপাশি যারা যোগ্য, তারা প্রতিযোগিতায় টিকে থাকতে পারছে না। ফলে তাদের মধ্যে সৃষ্টি হচ্ছে হতাশার। উচ্চশিক্ষা বরাবরই প্রতিযোগিতামূলক। প্রতিযোগিতায় যে বিজয়ী হবে— সেই সুযোগ পাবে উচ্চশিক্ষার। উচ্চতর প্রশাসনিক পদগুলোতে (বিসিএস ক্যাডার) যেমনি 'সন্তান কোটা' নেই, অর্থাৎ সরকারী আমলার ছেলে যেমনি বাধ্যতামূলকভাবে আমলা হতে পারেনা, ঠিক তেমনি শিক্ষকের ছেলে শিক্ষক হবেন কিংবা বিশ্ববিদ্যালয়ে ভর্তি হবেন এটাও কাম্য নয়। বিসিএস ক্যাডারের মত উচ্চ শিক্ষাও প্রতিযোগিতামূলক হওয়া উচিত। এখানে কোন 'কোটা' সিস্টেম থাকা উচিত নয়। এই 'কোটা' সিস্টেম যদি আমরা বন্ধ না করি, তাহলে জগন্নাথ ও রাজশাহী কলেজের ক্যাডারদের মত বিশ্ববিদ্যালয়গুলোতে ক্যাডারা তাদের জন্য 'কোটা' দাবী করে বসবে। সেইসাথে যে এলাকায় বিশ্ববিদ্যালয় অবস্থিত, সেই এলাকার জনগণ তাদের জন্য ভর্তি কোটা ও চাকরি 'কোটা' দাবী করে বসবেন। স্থানীয় সংসদ সদস্যও তার দাবী উত্থাপন করতে পারেন। ফলে উচ্চ-শিক্ষায় আর কোন প্রতিযোগিতা থাকবে না। উচ্চশিক্ষা হয়ে পড়বে 'কোটানির্ভর'। এখনও সময় আছে। এখনও সতর্ক হওয়া প্রয়োজন। আজ যারা শিক্ষা প্রশাসনের সাথে জড়িত, এ দেশের অভিভাবকরা, কিংবা সাধারণ ছাত্র-ছাত্রীরা যদি সোচ্চার হন, তাহলে তথাকথিত এই 'কোটা' সিস্টেম বন্ধ হতে পারে, নচেৎ নয়। এটা একটি সামাজিক দাবীতে পরিণত হোক— এই প্রত্যাশা আমার। □